

La Licerta a dui cudi

<p>1)Na matina nsonnighjiatu io M'affacciai a lu barcuni E restai stramangulatu Ch'era chjinu de perzuni.</p>	<p>2)Si parrava suttavuci io Tanti gesti cu li mani Cui fhacìa de portavuci Ca li cunti eranu strani.</p>
<p>E scindivi sutta casa io Mu domandu a Tiresuzza Ca non'era persuasa Ca sentia de già la puzza.</p>	<p>Mi dicitu per favori io Chi notizia è chista ccana Quala sunu sti sentori E pe' chi siti tutta strana?</p>
<p>Ti lu dicu cittu cittu Te Ch'esta veru e non'è fhinta Ca Rosina nta nu dittu Ccà si dicia ch'esta ncinta.</p>	<p>Chistu fhattu è propri stranu Te E no' nci crijiu si no' vijiu Ca u maritu è nta milanu E si lu sa fha nu pezzijiu.</p>
<p>È de tiempu chi no' vena Te Nta l'estati o pe' Natali E pe' chistu mi fha pena Ca la cosa è colossali.</p>	<p>Ma sapiti si stu gagghu io È de ccà o è fhorestieri S'esta ncunu pappagagghu O s'è ncunu puttanieri?</p>
<p>Nc'esta sulu nu sospettu Te E mi vinna nmenta jieri C'assistivi a nu giochetti Fhattu cu lu parrucchjieri.</p>	<p>120)Igggha spessu si lagnava Te Ca volia mu si fhà riccia E ca pua no' nci mportava Mancu s'hàvia misu ciccìa.</p>
<p>Quando i vitta Raffhelina io Affacciata a la fhurnesta Sistemmau la mantellina E fhicia cennu cu la testa.</p>	<p>Cu mistieri e cu furbizia io M'acchiappàu de la giacchetta E cu nu gestu d'amicizia M'indicàu la bricichetta.</p>
<p>Và gggha zzieta e torna priestu Te Mu nci puorti sta mbasciata E si sini n'uomu onestu No' parrara pe' la strata.</p>	<p>Ca si guardi sti vicini Te Chi si fhanu tanti cunti Li scoprimu l'altarini E mandamu tuttu a munti.</p>
<p>Io lu sai pecchè lu dicu? Te No' pe' critica o pe' mbidia Po' maritu, chigghu Micu E la mia non'è perfidia.</p>	<p>Standu sempre nta Milanu Te Cu la negghia e cu lu sula Io no' sacciu de luntanu Cuomu fhicia mu a cunsula.</p>
<p>Tutti eranu d'accordu io E parravanu nsilenziu No' puntavanu nu sordu Supa a Micu, nuggghu assenzu.</p>	<p>E cumbinti de sta cosa io Tutti stavanu penzandu E cu la mente sospettosa Si penzava a cuomu e quandu.</p>
<p>E cummara Barvaruzza io Nci dicia a Carolina: chista storia già mi puzza Ba S'esta veru, è na rovina.</p>	<p>20) E li nuotti no' dormìa Ba Ca penzava a chiggha cosa Quala fhù chigghu Missia Chi mpalmau a chista sposa.</p>
<p>Pemmu ammuccia la fhrittata io Nci penzava Raffhelina Era sempre ndaffarata Mu giustificica Rosina.</p>	<p>Lu zziu prieviti lu sappa io E nci dissa a la Rosina Non'è certu ca cu scappa Gp Fha na bella ffigurina.</p>
<p>Cittu cittu sai chi fhai Gp Vai e Lu truovi nta Milanu Ca la scusa certu l'hai Ca stu Pasqua esta luntanu.</p>	<p>Raffhelina si scialau io Ca trovau la soluzioni Ed'allora la mandau Abbisandu nu fhurgoni.</p>

Nicoliegghu la portau io De cummare Fhranciscuzza Nta nu lampu jiu e votau Cu la sua automobiluzza.	E menumala ca penzau io Mu si reca nta Milanu Gesù Cristu la mandau E partiu cu lu ropranu.
Barvaruzza è testimuoni io De sta jiuta clandestina Senza fhara cirimuoni Partiu priestu de matina.	Stitta ggħa na settimana io E tornau tutta cuntenta Ca si stacia mieggħjiu ccana Għa Jiu sulu pa' simenta.
Quando ncinu domandava io Nta chi misi ha pemmu nescia Rafhelina mprovvisava Ca Rosina non'ha prescia.	30) Ca la fhiggħjia no' si fhida Pe' lu fhiggħjiu chi nci criscia Dicia sempe ca no' vida L'ura mu lu parturiscia.
Quando nc'era nu sospettu io Supa u patra de stu fhiggħjiu Aguzzava l'intellettu Ca fhu Micu lu coniggħjiu.	Ma lu tiempu ormai passau io Arrivau lu jiuornu giustu Chistu fhiggħjiu nci portau E finiu chiggħu trambustu.
Propri jiuornu do' Suncurzu Te Chistu fhiggħjiu nci nesciu Era giustu lu discurzu Ch'era propri prumentiu.	E la vuci si spargiu io Nta la ruga e lu paisi Ca Rosina parturiu Si liberau de chiggħi pisi.
Sai pecchi mi vinna nmenta Te Pecchi Pasqua catta a Marzu E a signura previdenta Jiu a Milanu senza sfarzu.	Jiuorni doppu e stu ritornu Te Si ngrassava a dismisura La guardava e a menzijuornu Già cangiava la misura.
Jiuornu doppu de matinu Te Nci penzau cu cchjiu fervori Stu fhiggħjiolu è settimanu? Nci 'u domandu a lu dottori.	Lu ziu prieviti sapia Te Da' magagna chi successa E nci indicau la via Nommu resta compromessa.
E l'arcanu fhu scopertu io Pe' l'interu vicinatu Stu fhiggħjiolu vinna certu De nu partu travagghjatu.	40) Belluesantu fhiggħjiolu Natu jiuornu da' Madonna Te Grida cuomu n'usignuolo È nu fhiggħjiu e bonadonna.
Sta parola no' mi piacia Ra Dissa allora Rafhelina Ca nesciu nta la bambacia U fhiggħjiu e Micu e de Rosina.	Cu saluti e cu fhortuna Te Nci auguramu tanti studi Mu l'aiuta sta perzuna Na licerta cu dui cudi.
Chista fhu na profhezia io Pe' stu fhiggħjiu settimanu(?) Tuttu chjinu e simpatia Nci penzava ndon Peppinu.	Mo' chi a Pasqua vena Micu Vattijamu stu cotraru Gp E la cosa chi nci dicu Ch'esta già l'anniversaru.
Ca nesciu de sette misi Ro Propri jiuornu do' Suncurzu E ca l'uocchj l'ha precisi Cuomu ad'igghu ch'esta n'urzu.	Hajiu pua mu nci rimpacciu Ro Chist'assenza prolungata No' mi fhicia mai n'abbracciu Mancu quandu fhui malata.
Ca si no' penzava io Ro Pemmu vaju mu lu truovu Nci volia la manu e Ddio Pe' sta giojia chi mo' pruovu.	Nu fhiggħjiolu belluesanu Ro È nu donu do' Signuri E nta casa è nu sovrano Placa tutti li doluri.
Ma la gente cu 'u penzieri io L'osservava cu attenzioni Qandu jia a lu parrucchieri Mu si fhacia na fhrizioni.	50) Certivoti lu fhiggħjiolu io Lu portava ggħa cu iggha E a lu viecchjiu marijiuolu Nci pigghjiava la cazzigħa.

E lu tiempu si nda jia io Cuomu fhussa na volata E lu ffigghjiu nci criscia Si sentia cchjiù sollevata.	Senza dara preavvisu io Decidiu mu scinda Micu Cuomu e tiempu havi aprumisu E nommu fhacia lu nimicu.
Era ura pemmu vieni Ro Mu ti vidi chistu ffigghjiu Ca nda fhici cantilieni Pemmu ti lu arrissimigghjiu.	Hava l'ucchj tua precisi Ro E lu nasu a pumaduoru È nu veru Calabrisi Cuomu dicia la tua suoru.
E la fhrunti e chistu mussu? Ro T'assimigghjia, è spicicatu Hava stu capigghu russu Cuomu chigghu e n'antenatu.	Mamma dissa ch'era Ntuoni Ro St'antenatu mio luntanu E Don Peppa è testimuoni Dissa ch'è n'Americanu.
Ma si vida ch'è nu gigghjiu Ro Na bellezza fhina e rara E nu patra chi ha nu ffigghjiu A chi po' de cchjiù aspirara?	E Rosina pua nci dissa: io Micu mio, ma chi bolivi Ro Tu lu sai ca no' si fhissa E cu stu ffigghjiu t'arricchivi.
Tu, nu masculu volivi Ro Fhattu propri su misura E doppu tanti tentativi Si conclusa st'avventura.	60) Tieni, senta quantu pisa Ro È già randa, è figghjiu tua Ca mi izzu la cammisa Già ti rida, e cchjiù chi bbua?
Quando Micu lu guardau io Nci tremavanu li gambi L'abbrazzau e lu vasau Nci fhacianu l'ucchji strambi.	L'osservava cu attenzioni io Uocchji, nasu, vucca e ricchji Nci sembrau nu lazzaroni Duci cuomu zuccaricchji.
Ma nu dubbii lu sfiorau io E perciò storciu lu mussu Quando a fondu nci scrutau Chigghu pilu ch'era russu.	Maie puamai mi l'aspettava Mi Ch'era russu de capigghji E ca a tia no' ti mportava Ca volivi cinqu ffigghji.
La natura certi vuoti Ro Si diverta e ti sorprenda Ed'allora simu ciuoti Ca' fhortuna è cu la benda.	Chistu signu lu distingua Ro E lu canusci a prima vista Ca si nc'è na malalingua Dici ch'è sta comunista.
Penza a tutti li mbidiusi Ro De' l'amici de partitu E no' a chigghi malizziusi Chi ti vuonu ncazzunitu.	Ca la genta sai com'è sta Ro Guarda sempre nca tua Vida chigghu chi no' nc'è sta E no' si fha li cazzi sua.
E la mbidia li distruggia Ro E nci torcia li vudeggha Esta cuomu chiggha ruggia Chi nci nceppa la roteghha.	70) E ti parra si ndà gula Ro Ti saluta si nci para E ti dassa tutta sula Si comporta de cummara.
Chi sorpresa deliziosa Ra Nci fhacisti stamatina Pemmu truovi ffigghjiu e sposa Chi pe' tia su a vitamina.	Nto' paisi nc'è nu gridu Ra Da bellezza de stu ffigghjiu Chi arrivau nta chistu nidu E cuomu Micu, esta nu gigghjiu.
Chista fhacci delicata Ra E stu capigghu russu russu Sembra propri progettata Pemmu stacia nta lu lussu.	E no' fara tanti stuori Ra Pecchi è russu de' capigghji No' sentira a i chjazzaluori Ca ti fhanu mu sbarigghji.
Ca la gente de cca nui Ra Non'è chiggha de' Milanu Cu lu cuomu e cu lu cui Tuttu dinnu e tuttu sanu.	E si puonu fhara mala Ra Nzinuandu na bugia Esta vè, nu corpu d'ala E nda fhai na' malatia.

Ca nda dicianu scemenzi Ra E paruoli fhora postu Fhanu tanti conferenzi C'hanu l'animu prepostu.	E senza fhara cirimuoni Ra Sanza mancu mu si penza Su' rovina matrimuoni Chista è la conseguenza.
No' badara, senti a mia Ra Ca la gente senta mbidia Ch'esta sulu parrasia Ed'è chjina de' perfidia.	80) Sinc'èncunuchi ti para Ra Ca ti vida allividutu Esta gente ch'è tamarra Dinci ca no' si cornutu.
E stu fighghjiu è cuomu a ttia Ra E ha lu nomi de lu nonnu Cuomu patritta Mattìa Co' penzammi nta lu suonnu.	Cuomu vidi no' nc'è storia Ra E no' puonu dira nenta Tenatilu nta memoria Fhissatilu bonu nmenta.
Nonostanti st'avvertenzi Ra Nonostanti chistu abbisu Tu nda senti de scemenzi Chi ti dassanu arrimisù.	Ca lu mala e stu paisi Ra È la gente chi s'impiccia Nc'è na massa de fhorisi I vruscìa, ma cu na miccia.
Nc'esta pua chista vicina Ra Chi ha la testa de cucuzza Sempre assema a Carolina E chi si chjiama Barvaruzza.	Ha li ricchji sempre tisi Ra L'uocchjiu vigili e attentu Sapa tuttu e stu paisi È nu veru documentu.
Na gazzetta, nu giornali Ra Sempre ngiru mu si mpurma Ed'è sempre puntuali De milizia è tutta curma	Tuttu sapa, tuttu ammenta Ra No' nci appunta mai la lingua Pemu critica la genta È maligna e malalingua.
E si bua mu sai na cosa Ra O chi successa a donna fhjiura Iggħa è meticolosa È na bona attizzatura.	90) No' nd manca l'argomentu Ra No' nda dassa nuggħa arriedi Si nci cieri chjiaramentu Ti cumbena mu ti siedì.
Si la ncuntri pe' la strata Ra No' nci dara tanta retta Ca sicuru esta appostata E tu camini cu la fhretta.	Ca si t'hava bonu a tiru Ra Intra fhacia pemmu trasi Ti lu trova lu tragiru Vera fighghjia de Cibrasi.
Carolina mancu scherza Ra Ch'è l'alunna prediletta De sta ruga esta la terza La sicunda esta Cuncetta.	Sempre arriedi a la fhumesta Ra Cu la porta sempre aperta Puru quandu nc'è tempesta Tena l'uocchjiu sempre allerta.
Malilingui no' nda manca Ra E nemmenu fhaccituosti Chi la fhanu sempre fhranca E no' nda pigghjani batuosti.	Ma tu sini giudiziusu Ra No' vai arriede a sti magari Fhusti sempre premurusu E no' li senti i minzognari.
Ca stu fighghjiu chi ti vinna Ra Ti lu godi pe' la vita Sembra fhattu cu la pinna Fhù na bella riuscita.	Doppu tuttu chighghju tiempu Mi Chi passai nta Lombardia No' nc'è nuggħu malutiempu Chi perturba propri a mia.
Ma si ncunu si permetta Mi Mu sospetta ncuna cosa Nci lu dicu tuttu nfhretta Nommu fhà la spiritosa.	100) Casi Micu toma chighghju Mi Cu sembianti calabresi Nci lu stringiu lu pirighghju Mi lu scuordu u milanese.
Ma dassamu sti discurzì Mi Ca io sù nta casa mia Ca già chjini su li vurzi E ca parramu a fisserà.	Monavogghjiu mu migodu Mi Sta muggghjiera cu stu fighghjiu Ca Pe' mia sunu l'approdo E si su tristi mi ripighghjiu.

<p>Io no' vaju mancu fhora Mi Nta la chjiazza o a Lu mercatu Nommu sientu na parola Ca no' su cchjiù abituatu.</p>	<p>E si ncunu vi domanda Mi D'uva sugnu e cuomu staju Nci dicitu ca su mbranda E ca domana mi nda vaju.</p>
<p>Pua, sapiti chi vi dicu Mi No' vorìa mu vijiu a nugghu Mancu lu mio mieghgiu amicu Chi jiocavumu a lu zzugghu.</p>	<p>E puru vui si nci penzati Mi Ha mu a fhiniti cu sta fhera Ca pigghjati e vi nda jati E mi dassati cu a mugghjera.</p>
<p>Ca Rosina già mi dissa Mi C'ha mu tardu sta partenza Ca sinnò fhiniscia a rissa E perda puru la pacienza.</p>	<p>Pua lu sacciu c'ha bisuognu Mi Pemu stacia assieme a mia Ca io su lu mangicuognu Mu nci passa a fhasia.</p>
<p>E' pe' chistu chi vi dicu Mi Jiativinda e no' tornati Si mi voliti amicu E mu restamu mparentati.</p>	<p>110) Ca de certu capisciti Mi Li doveri e nu maritu No' su cuosi proibiti Ma no' sù nu pervertitu.</p>
<p>Ca sapiti mo' chi fhazzu? Mi No' rispundu a nugghu cchjiuna Cjiudu cu lu catinazzu E mi godu sta pacchjiuna.</p>	<p>Speru sulu ca Mattia Mi S'addormenta a na volata Mu mi cacciu sta paccia Ca Rosina è scunsulata.</p>
<p>Si la negghia no' regnava Mi Cu lu smog nta Milanu La fhamigghia ma portava E no' mi stacia luntanu.</p>	<p>Ma na cosa 'a capiscivi Mi Ca cu emigra ha pemu torna E ca su tanti li motivi Mu ti truovi cu li corna.</p>
<p>Cu li vuci de' paisi Mi E sti modi de' penzara Spessu ti ritruovi ncrisi E ti fhanu scumbinara.</p>	<p>A lu momentu de i saluti io S'abbrazzaru e si vasaru Pe' nu piezzu fhuru muti Pua pigghjari e si staccaru.</p>
<p>Partiu priestu la matina io Partiu chi eranu li setta Dassau sula la Rosina Ma nci dissa mu l'aspetta.</p>	<p>Ca io turnu pe' l'estati Mi E si mi nchjiananu li cazzi Cu li fheri già addubbati Fhazzu puru cuosi e pazzi.</p>
<p>E mantinna li prumisi io C'ogni jiuornu la penzava E ca ogni fhini misi A la casa ritornava.</p>	<p>120) E lu fhigghiu nci criscia io Arrivau a lu diploma Fhiniu ogni diceria Ch' era tiempu mu va a Roma.</p>
<p>La fhortuna nc'è pe' tutti io E ca ti sfiora tu t'illudi Ma si cerca chigghi brutti La licerta cu dui cudi.</p>	<p>Passau appena na simana io Lu chjamau lu capu ntesta Ca pe' igghu de domana Po' iniziara mu fhà fhesta.</p>
<p>Pua si misa a domandara io Si a sezioni havia de jira S'ha mu porta de mangiara O sulamente de vivira.</p>	<p>Mancu igghu nci cridia io Quantu chistu fhù soavi E ca chistu nci cadia Cuomu l'uogghiu nta li fhavi.</p>
<p>Tanta gente nta na stanza io Cui sedutu cui allimpiedi Fhina a quandu la speranza Cominciau mu pigghia piedi.</p>	<p>Fhu mpiegatu a la provincia io Cuomu unu bisognusu Sia ca l'obbedienza vincia E ca fhù sempre rispettus.</p>
<p>Senza nugghu sacrificiu io Senza mancu preoccupara Fhù nu randa benifhiciu Era duru d'accettara.</p>	<p>Succediù de chistu modu io Chi lu misaru a lu paru E na seggia fhù l'approdu A la Provincia l'assettau.</p>

Mo' passaru tanti anni io Si fhormau a nu mistieri Senza sforzi e senza affanni Ccà, lu chjiamanu ngegneri.	130) Nci bastaru puocu studi io Ca fhù sempre prepheritu E da' licerta cu dui cudi Fhu de sempre garantitu.
Lu zziu prieviti Don Peppa io Tra nguantieri e donazioni D'ogni cosa fhicia incetta Diventau nu gran ricconi.	Ma ndivina sta ricchezza io E chiggha terra cunservata Senza nugga ristrettezza Tutta quanta a cui fhù data?
No' nc'è modu mu t'illudi io E no' penzara ad'attri cuosi Ca' licerta cu dui cudi Quando vò li fhà virtuosi.	Echigghu ch'era na disgrazia io Chigghu ch'era nu spramilu A Madonna ha mu ringrazzia Già de quandu jiu a l'asilu.
E puru Micu cu Rosina io Si nci penzanu nu puocu Evitaru na trupina Ca jiocavanu cu' fhuocu.	Li vicini sempre stuorti io Mai svelaru chigghu drama Ricordavanu la sorta De' stu fighghju e bonamamma.
Certi vuoti si ncuntrava io Cu Cuncetta e Barvaruzza Cu rispettu salutava Nci fhacia na gringegghuzza.	Nci ridianu nta la fhacci io Na carizza, na mo'na Li pigghjiava pe' dui pacci A Barvaruzza e Cuncettina.
Certi siri Rafhelina io Stu fighghjuolu ndottrinava Nci fhacia na romanzina E de' i vicini nci cuntava.	140) Dimmitu, no' senti puzza Cuomu fhussa cacatina Ra Quandu ncuntri Barvaruzza? Ch'esta assema a Carolina?
Pua si vidi Tiresuzza Ra E la fighghjia de Cibrasi Ch'è na bella maistruzza Vena mparu mu la vasi.	Ncunu jiuomu saichi fazzu? Ra Io l'acchjiappu de' capigghj E ti giuru ca l'ammazzu O nci ruppu lu mascigghj.
Ca lu vizzu de' chjiatara Ra Chi nci dezza la natura Nci lu fhazzu io passara Cu na bona ncazzatura.	Ca lu sacciu cuomu fhanu Ra Si ti ncuntranu st'amici Li guardava do' mignanu Sti dui randi meritrice.
T'accarizzanu la fhacci Ra Fhanu tanti risulini Sunu sulu poveracci Dui emeriti cretini.	Ca s'havianu nu cerviegghu Ra E nu puocu de rispettu Lu trovavanu n'acciegghu E non'eranu mbraccettu.
Ma sì randa e lu capisci Ra Ca studiasti a sufficienza E lu sacciu ca ti ncrisci E ca perdisti la pacienza.	L'ura è giusta mu ti truovi Ra Na fighghjiola bella e cara Chi ti porta buoninuovi E chi pua accarizzara.
Mu ha nu bellu portamentu Ra Mu esta onesta e rispettusa Cu nu bellu sentimentu E nom'esta vanitusa.	150) Ca cu chigghu chi passasti E cu chigghu chi patisti Ra No' ti servanu cuntrasti Ca i passasti i jiuorni tristi.
Accussì nu bellu jiuornu io Capitandu nta Nicastru La guardau e senza scuornu Catta cuomu nu pugghastru.	Si ncuntrau cu na cotrara io Chi la vitta nta na svista E si misaru a parrara Fhù n'amuri a prima vista.
Quando u sappa Rafhelina io Si ncazzau cuomu na bestia Sembra vù, na beduina Nci lu dissa cu modestia.	Ca nta curga nd'hava tanti Ra Signorini tantu belli Si li guardi su ruspanti Puonu fhara li modelli.

Ca si patrita lu senta Ra E si mammata l'appura Ha mu 'a dessi nta nu nenta O ti mentanu nclausura.	Sienti a mi chi omai su vecchia Ca i cunzigghji i sacciu dara Ra Dassa stara a chiggha racchjia Trovatilla ch'è cotrara.
Mu esta bella, santa e ricca Ra De fhamigghjia rispettosa Ammienzu a tutti pemmu spicca De ntellettu valorosa.	Ma mu esta curingota Ra E fhortuna mu ti porta Una chi ha na bella dota No' na brutta gattamorta.
Ca dominica a la missa Ra Jiamu assema e ti ravvidi Truovi gghà na barunissaca Ca de mìa hai mu' ti fhidi.	160) Ca nu paru li guardai Ra E li segu cu attenzioni E mi piacianu assai assai Chisti su li sensazioni.
No' si tratta de cridira io E mu capisci ha pemmu studi Ma na vota hai d'ammiettira Ca è a licerta cu dui cudi.	Si trovau na cotrareggha io Uocchji viridi e piettu chjinu Si la vidi è tantu beggha Nci lu fhai nu pensierinu.
E si chistu no' bastassa io E vua sapìra s'esta ricca Nd'hava sordi nta la cassa Nuovi nuovi e su de Zicca.	E cca nui sai chi si dicia io Quando nccunu vua mbunnara: Ca nesciu cu la camicia E tutta l'acqua vajia a mara.
Micu e Rosa su cuntienti io Ca la scelta fhù azziccata E doppu tanti giuramenti Dissa ch'era destinata.	Ca passau tanti rovini io Cu doluri e patimenti Lu mbidiavanu i vicini Spessu eranu nsolenti.
No' sapianu de cù è figghjiu io Lu dicianu fhina a ieri Nci sembrava mbiscatigghjiu Tra maritu e parrucchieri.	Menu mala ca fhù Micu io Chi de veru Milanese No' si fhicia nu nimicu E cu tutti fhù cortesi.
No' nci dezza nugggha retta io No' nci dissa mai na cosa No' pigghjiau la scupetta Mu difhenda la sua sposa.	170) Ca li tinna nta lu culu io Superiori ad'ogni cosa E stu fhigghjiu no' fhù sulu E fhu na cosa dignitosa.
Ma st'amuri chi nesciu io E chista coppia de cotrari Non'è propri lu desiu De Cuncetta e li cummari.	E si misaru a sparrara io Criticara a cchjiù no' puozzu Sempre ngiru a diffamara La pigghjiaru vù, de cuozzu.
Non'è giustu mu si pigghjia Tr Sta cotrara tantu beggha No' sa mierita sta fhigghjia Mu si caccia sta guleggha.	Ca la nanna Rafhelina Tr Va diciendu sempre ngiru Po' niputi è na regina E nci fhà perdara u respiru.
Mo' fha fhinta e si scordau Br Co' niputi è nu bastardu E a chigghu chì lu generau No' lu degna de nu sguardu.	No' vo' mancu mu l'ammetta Br Nonostanti l'evidenza Cuomu dicia la Cuncetta Vo' mu sarva l'apparenza.
Ca lu russu de i capigghi Co Restau sempre nta i penzieri Puru ca l'arrissimigghji E chigghi de lu parrucchieri.	E si Micu stitta cittu Co E no' dissa na parola Fhù pecchi si ntisa affrittu Havia mu pigghjia la pistola.
Ma si fhicia l'evolutu Co Cuomu fhussa milanese No' si ntisa nu cornutu Si scordau de chigghi offesi.	180) Manó tutticca lusanu Co E no' nci vo' na pizzutana Mu si scopra mo' l'arcanu Ch'è nu fhigghjiu de puttana.

E si ncuntrau a chista ffigghia Co Chi no' mierita stu ngannu Ha mu sapa a cui si pigghia Mu capiscia ch'è nu dannu.	Propri chistu ni dicimmi Co Io Tiresa e Barvaruzza Puru ca nui lu criscimmi No' sa' mierita a Nelluzza.
Ch'è na beggha giuvineggha Co Tutta onesta e rispettusa E non'è na povareggha Ma esta sulu virgognusa.	E lu patra è nu signori Co Da provincia nu ngegneri Esta nu lavoratori Chi capiscia lu mistieri.
E la mamma ancora miegghiu Co Ch'è na brava dottoressa Nciu dunamu nu cunzigghiu Nommu passa pua pe' fessa.	E la prima fhu Cuncetta io Cu la scusa de na fhrievi Jiu mu fhacia na ricetta E mu nci cunta sti rilievi.
Ca stu ffigghiu è nu spramilu Co Ffigghiu de lu parrucchieri Ch'esta chistu lu profhilu E non'è mancu cavalieri.	Non'è chista la pretesa Co Pe' na ffigghia nnammurata Ca si bò chjiama a Tiresa Mu la fha capacitata.
Barvaruzza da cunferma Co Ch'è n'amara verità Igggha sapa ch'è nu verma Chista è la realtà.	190) Ed'allora tutti assema Co A Nelluzza nci dicimu Mu ni dicia lu sistema Ca pua nui ni la vidimu.
Mu lu dassa mo' ch'è ntiempu Co Nummu trasa ncumpidenza Ch'esta già nu rumpimentu E nommu bada all'apparenza.	Io sumamma e pe sta ffigghia Volaria la miegghiu cosa Fi Nu baruni mu si pigghia E mu diventa cchjiù fhamosa.
Ma pe' chigghu chi studiai Fi E pe' chigghu chi lejivi Cu lu puocu e cu l'assai Sunu sulu tentativi.	Ca l'amuri sai com'esta Fi Quando trasa nta lu cora E si si fherma nta la testa No' ti basta la parola.
E avogghia ca nci parri Fi E ca cunti chisti stori Ne' si suoni cu catarri Li distruggi chisti amori.	Ca li ditti de' na vota Fi Fhanu scola e tu lu sai E si sini curingota Dinnu puru chi hai mu fhai.
Ma siccome mai provasti Fi Chistu bellu sentimentu No' pua dira c'ha mu guasti Chistu bellu appuntamentu.	Ca si nc'esta sentimentu Fi E cu amuri tu ti lighi Sienti tuttu nu turmientu E no' cumbena mu ti mbrighi.
Si nci parri non'ha ntisa Fi Si lu guardi fha lu turdu Ca l'amuri e calabrisa Esta ciecu e puru surdu.	200) Capiscivi ca li studi Co Su mportanti nta sta vita E ca licerta cu dui cudi Cchjiù de mia esta struita.

I personaggi ed i fatti raccontati sono frutto di pura fantasia.

Io	Oratore	Colui che racconta la storia
Raffaella	Rafhelina	Mamma di Rosina,
Rosa	Rosina	Figlia di Rafhelina,
Don Giuseppe	Don Peppino	Zio di Rosina (Prete)
Domenico	Micu	Marito di Rosina,
Teresa	Tiresuzza	Pettegola di rione
Antonio	Ntuoni	Antenato di Rosina (l'americano)
Barbara	Barvaruzza	Vicina di casa, pettegola
Carolina	Carolina	Vicina di casa amica di Barvaruzza
Francesca	Fhranciscuzza	Mamma de Nicoliegghu
Nicola	Nicoliegghu	Fhigghju de Fhranciscuzza autista
Concetta	Cuncetta	Pettegola riconosciuta nel paese.
Nome femminile	Fhjiura	Nome generico di donna
Soprannome	Cibrasi	Padre di Barbara, impiccione.
Mattia	Figlio	Figlio del peccato
Ornella	Nelluzza	Fidanzata (?) di Mattia
Ing. Antonio	Don Totò	Padre di Ornella Ingegniere
Dott.ssa Filomena	Philomena	Mamma di Ornella Dottoressa